

# "Мен томон юрса мен у томон югураман" деган оят борми?

11:20 / 30.11.2018 3021

Ассалому алайкум! Аллоҳ айтади "Ким мен томон юрса мен у томон югураман" ёки "Ким мен томон қадам ташласа мен 10қадам ташлайман" деган оят борми? Ёки шунга ўхшаш ҳадис келганми? Жавоб учун олдиндан катта раҳмат.

"Зикр аҳлидан сўранг" ҳайъати:

- Ва алайкум ассалом!

هُلَلَا لِيَصُيْبَنَّ لَلِاقِ: لَاقُ عُنْهُ لَلِا يَضَرَّهَ زِيْرُهُ يَبْأُ نَع  
أَوْ، يَبْ يَذْبَعُ نَطَّ دَنْعَ أَنْ: يَلْأَعَتْ هَلَلِا لُوقِي: مَلَسَوْهُ يَلَع  
نِو، يَسْفَنَ يَفُ هُتَرْكَذْ هَسْفَنَ يَفِ يَنْرَكَذْ نِإْفِ، يَنْرَكَذْ إِذْ إِعَم  
يَلْإِبْرَقَتْ نِو، مُمْهَنْ مَزِيْحِ أَلَمْ يَفُ هُتَرْكَذْ أَلَمْ يَفِ يَنْرَكَذْ  
يَلْإِبْرَقَتْ أَعَارِدْ يَلْإِبْرَقَتْ نِو، أَعَارِدْ يَلْإِبْرَقَتْ رُبْ شَب  
ةَلْوَرَهُ هُتَيْتْ أَيْ شَمَّيْ نِأْتِ نِو، أَعَاب

[Абу Хурайра](#) розияллоҳу анҳудан ривоят қилинади:

«**Набий** соллаллоҳу алайҳи васаллам шундай дедилар: «**Аллоҳ** таоло айтади: «Мен бандамнинг Мен ҳақимдаги гумонидаман.\* Мени эсласа, у билан биргаман. Агар у Мени ўзи эсласа, Мен ҳам уни Ўзим эслайман. Агар у Мени бир жамоа ичида эсласа, Мен уни улардан яхшироқ жамоа ичида эслайман. Агар у Менга бир қарич яқинлашса, Мен унга бир зироъ яқинлашаман. Агар у Менга бир зироъ яқинлашса, Мен унга бир қулоч яқинлашаман. Агар у Менга юриб келса, Мен унга чопиб бораман».

\* Шориҳлар «гумонидаман» деган сўзни шундай изоҳлашган:

«Бандам Мен ҳақимда яхши гумонда бўлиб, мағфиратимдан умидвор бўлса, кечираман. Раҳматимдан ноумид бўлиб, гуноҳга ботса, мени иқоб қилади, деб Мен ҳақимда бадгумон бўлса, жазолайман», деган маънода тушуниш мумкин. Умидвор бўлиш мусулмонга хос, ноумид бўлиш эса кофирга хос амалдир».

Изоҳ: Ушбу ҳадиси қудсий Аллоҳ таолонинг бандаларга нисбатан

лутфу марҳамати ва илтифотининг намоишидир. Ҳадиси шарифдаги яқинлашиш ва ҳаракатланиш маънолари мажозий бўлиб, масофани эмас, маънавий муносабатни, маънан яқин бўлишни билдиради. (“Олтин силсила” китобидан Саҳиҳул Бухорий). Валлоҳу аълам!